

2DA SESSIONE ORDINARIA P'E U 2016

RIUNIONE DI I 24 È 25 DI NUVEMBRE

N° 2016/O2/066

**QUESTION ORALE DEPOSEE PAR M. Christophe CANIONI
AU NOM DU GROUPE « FRONT NATIONAL »**

OBJET : Propositions économiques pour la Corse.

O Sgiò Presidente

A lista d'onore Altares di e manchenze d'intraprese vene di publicà i so sciffri di u terzu trimestru. Quessu rivelegghja una calata di e manchenze, 12%, nantu à u pianu naziunale, ancu s'è a situazione generale di l'intraprese francese ferma fragile.

Sta calata, a lista d'onore Altares, l'hà custattata dapertuttu in Francia, eccettatu in Corsica duve a tendenza hè inversa, u numeru di manchenze d'intraprese rilevatu à u terzu trimestru hà crisciutu di 74%. Sciffru inchietente è chì rileva d'una ecunomia isulanu fortemente sgradata. Vi ramentu dinò u sciffru altrettantu palisatore di e TPE in situazione di morte clinica, senza cuntà quelle chì scontranu difficoltà di manera recorrente è chì s'inchietanu di u diventà è di a perennità di a so attività.

O Sgiò Presidente, avite à rimette u 13 di decembre prussimu u vostru raportu SRDE2I, à l'apprezzazione di a nostra Assemblea. Scumpartimu l'impurtanza ch'è vo accurdate à stu documentu chì e grande ligne sò cunniscute à traversu à e vostre intervensione pubbliche o inde a stampa. U Riaquistu economicu ch'è no chjamemu cù voi di tutti i nostri voti trova a so traduzione in a dimarchja di u SRDE2I. Ne pigliemu attu.

Scumpartemu a vulintà di custruce una ecunomia corsa muderna, efficiente, vultendu u spinu à u clientelismu, à a rendita, à a speculazione, à a curruzione è à u catrichinimu. Una ecunomia chì derà a so fortuna à tutti i Corsi, senza eccezzione.

In stu cumbattu chì serà arduu è suminatu di trampali tutte l'energie è e cumpetenze seranu ebbenevute. l'ideale ch'è no scupartimu hè chì a Corsica surtessi di a rutata è accumpagneremu naturalmente è senza riserva tutte e misure è tutte e pruposte chì anderanu in stu sensu.

O Sgiò Presidente, u « Front National Corse » hà fattu pruposte economiche per a Corsica, principalmente a creazione d'una ZRE, Zona di Rilanciu Economicu concernendu tutta a Corsica, di ZAC, (Zona d'Assestu Cuncertatu à vucazione immobiliare), un muratoriu fiscale nantu per l'intraprese in difficoltà accumpagnatu d'un dispositivu chjamata PEA, volesi

dì un Prugramma Eccessiuale d'Accumpagnamentu chì a vucazione hè di riarmà l'intrapresa per dà li tutte e so pussibilità di perennità.

Stu dispositivu puderia esse assicuratu da i cunsigli è l'intervenzione di i servizii cumpetenti vicinu à l'intraprese. Hè ugualmente cruciale d'accumpagnà i giovani impresarii in e so dimarchje chì spessu troppu infurmati di e realtà di u mondu di l'intrapresa.

Seria dunque ghjudiziosu, o Sgiò Presidente, di prupone li è d'assicurà li, à tempu scritti, una vera **furmazione d'intrapresa**- ghjuridica , bugetaria è fiscala- rinfurzendu i dispositivi messi in piazza da e camere cunsulare è chjamendu prufeziunali.

Mettemu particularmente l'accente nantu à a furmazione, l'ascolta è l'aiutu à purtà à i giovani impresarii per ch'elli benefizieghjinu di e più bone suluzione assicurendu a perennità di e so attività è di e so intraprese.

L'investimentu murale, puliticu è soprattutto finanziariu di nostra Cullettività in l'accumpagnamentu di l'intraprese hè u pegnu di un riturnu d'investimentu prufittevule à tutta a Corsica.

Per què o Sgiò Presidente, ci pudite dà l'assicuranza chì sta dimarcchja essenziale hè stata bè presa in contu in u pianu chì serà prupostu ? È s'ellu ùn hè stata fatta, pudite piglià in cunsiderazione è cuncrettizzà a nostra dumanda in u documentu ch'è v'avite à presentà.

Per finisce, o Sgiò Presidente, ramentu ch'è bè ch'essendu fermamente ancurati ne l'opposizione, simu, cum'è no l'avemu detta mentre a seduta d'investitura, in una opposizione pusitiva quand'ellu s'agisce di cumbatte insieme per fà avanzà a Corsica.

Per a Corsica è i Corsi, chì traversanu un periodu d'incertezza è d'inchietitudine, preghemu u successu di u Riacquistu, ma firmeremu viglienti è attenti è s'è a situazione l'impone, critichi contra tuttu avventurissimu o suluzione inadattate.

O Sgiò Presidente vi ringraziu.